

## SA CIRCHIOLLA

A sa scampiàd' 'e s'airi  
in d'unu gòsu mannu  
de prexu e de colòris  
ancora at a torrai  
sa circhiòlla stimada.

Non ti 'ndi pighis pèna  
de su tempus passau...

A ti castiai a palas  
naramì ita ti serbit?  
sceti a pèrdi is colòris...  
Castia innantis a tui  
penza a pintai su crasi:  
castia immui su presènti  
castia custus colòris  
bèllus e dilicaus  
e lebius e andanius.

Ddu scis sa vida it'est?  
unu suspiru, unu crèdu.  
Dogna momentu 'òit biviu  
agatendiddu bellu  
nozènti che unu pipiu.  
Est bellu a bivi puru  
candu in fundu t'agatas  
cun s'anima segada.

Alluidda ancora, dàì, tocca sa lantia!  
castiami, castieussì  
ca su èssiri "nòsu"  
est prus che su èssi "deu".  
Prus che totu de arrì non ti scarèscias.

Eus a castiai  
aintr' 'e is ògus tuus:  
nudda s'at a mancai!  
Un gòsu aici mannu  
de non si pòdi nai...  
coment'e candu in s'airi  
si tendit sa circhiòlla  
e parit unu bisu...  
de Arcuentu a Bruncu Spina

Ita bellu su sciri  
ch'est totu cosa nosta!...

## L'ARCOBALENO

*Allo schiarirsi del cielo dopo la pioggia, in una / fantasmagoria di gioia e di colori, tornerà ancora l'amato arcobaleno.*

*Non prenderti pena del tempo passato...*

*Guardati / alle spalle, dimmi, a che ti serve? Solo a perdere i colori... / Guarda davanti a te, pensa a colorire il domani: guarda adesso / al presente, guarda questi colori belli e delicati, che / svaniscono lievi nel vento.*

*Lo sai cos'è la vita? Un sospiro, il tempo per dire / un credo. Ogni attimo va vissuto scoprendone la bellezza con / la semplicità di un bambino. / Così bello vivere anche quando / ti senti dentro l'anima lacerata.*

*Allora, dai, accendila ancora la lampada! Guardami, / guardiamoci: l'essere "noi" è più che essere solo "io". / E soprattutto / non dimenticarti di sorridere.*

*Guarderemo dentro i tuoi occhi e nulla ci mancherà, / con una gioia così grande e indicibile: / come quando nell'aria / si stende l'arcobaleno, e sembra un sogno, / dall'Arcuentu a Bruncu Spina.*

*E che bello sapere che tutto questo è nostro!*